

李文恭公遺集

李文恭公文集卷六目錄

湘陰李星沅石梧著

男

榛概杭編次

滇南軍書

黃惺溪觀察

蔭興堂提軍

黃惺溪觀察

蔭興堂提軍黃惺溪觀察

李子廉鎮軍

寶篋谷太守

陰興堂提軍黃惺溪觀察

普安園廉訪

黃惺溪觀察

陰興堂提軍黃惺溪觀察

陰興堂提軍黃惺溪觀察

黃惺溪觀察

蔭興堂提軍黃惺溪觀察

蔭興堂提軍黃惺溪觀察

蔭興堂提軍黃惺溪觀察

黃惺溪觀察

蔭興堂提軍

黃惺溪觀察

黃惺溪觀察

普安園廉訪

蔭興堂提軍

蔭興堂提軍

黃惺溪觀察 十二月十二日

十二日接初六日書承示一切樂黨之攻自因張富而發是否實有反覆顯迹前隨明大興往諭雲州曾否回家此時蹤跡卻在何處既燬其巢彼必颺去將來如何

攷緊

第一

著落恐又費手也孟守文搜出書信看其詞意似樂黨

第一要緊

之人亦有糾約不從者此次所斃是否皆係抗拒匪徒至六十餘石之糧爲數無幾尋常積聚亦不必定爲豫謀總之彼處情形省中不能遙揣務祈閣下會商提軍

妥確辦理萬勿多添頭緒爲要雲州獻囚一說既有質

第一要緊

當之人似宜脇以兵威仍行勒獻以得罪人爲主不可  
促令遠颺否則殺僂雖多渠魁漏網未爲勝算也緬甯  
首要各犯必須查出姓名在雲州者幾人在樂黨者幾  
第一要緊  
人聚則盡力殲除散亦及時搜捕務在受創者皆係惡  
類庶不枉衆人如許勤勞耳

蔭興堂提軍 十二月十五日

十五日接誦會函聆悉一切雲州旣爲賊窟敢於抗拒

官兵自宜全力攻之承示兵力尙單續調者亟應飛催前進初五日開仗獲勝士氣奮興左大雄身入重圍保護眾官而出勇敢之狀如於耳目間遇之似此出色將材必應倍加愛惜謀而後戰庶保萬全涉險蹈危非兵家所尙也務祈獎而戒之緬甯後路兵到可以腹背夾攻倭陳二將營在象山深得地勢仰攻不如俯擊但得火器猛利無難一鼓而殲賊渠旣聚於斯張馬亦皆在內或俘或馘萬不可使乘閒脫逃小猛統匪黨尙多恐



其潛復勾合所有雲緬臘丁一碗水等要隘處所務必  
逐層堵截加意嚴防汪海等殺賊立功深堪嘉尚陳得  
功此次出力似不及左大雄或因左兵在前而彼策應  
在後耶所傷兵練共有幾名務祈飭各查明優加賞卹  
蒙化一帶防兵漸次可齊所有調度機宜均望精心擘  
畫沅惟遙欽勞勤側聽好音耳

黃惺溪觀察

十二月十五日

十五日接初八日會函并承另示聆悉種種雲州聚匪

竟至如許之多且敢縱放獄囚搶劫倉貯不法已極初  
五日之捷各將弁均能出力殲賊多名而左大雄奮勇  
敢前尤爲難得閱至保護各官幾爲賊困一節有膽有  
識誠爲忠勇可嘉萬不可以輕蹈危機使賊玩視務祈  
獎其奮勉戒其輕進彼旣爲賊所憚不可不加倍愛惜  
使出萬全來示謂回寨極堅宜用計破實屬要論象山  
踞回寨之上居高俯擊自勝仰攻陳得功等於此紮營  
已得地勢千萬不可動搖致爲賊踞緬甯兵練亦來一

千餘名腹背夾攻可以截其去路中間或用閒謀寓以  
不測之機臨時設伏出奇務在算無遺策張馬二犯旣  
據奸細供出在內其爲反側無疑此時若不擒殲縱去  
必爲後患海老陝亦係上次有名之賊斃之實可稱快  
所有出力兵練務卽加賞以鼓其氣各將弁果能擒渠  
獻馘必當保奏以敘其勞陳得功與左大雄前此齊名  
似此次之摧鋒陷銳陳不如左亦當有以激勵之所需  
經費已飭藩司籌解高經歷所解萬金已由大理轉運

計可早到現委呂震光又解一萬徑赴順甯接濟斷不  
使閣下爲難至緬甯撫卹難民亦宜就近查核委員酌  
帶銀兩或卽隨大營直過雲州該府等稟請由省另行  
委員誠恐緩不濟急又臘丁一碗水等處爲雲緬要路  
仍宜駐兵堵截卽小猛統一路亦宜加意防範在內者  
恐其逸出在外者亦恐其突入瞻前顧後不可不四面  
慮到也

蔭興堂提軍黃惺溪觀察

十二月十八日

十五日馳復寸幾頃張弁持回初九日會面快悉灣子  
渡逆回沈沒三百餘名如果實有其事似兇徒久干神  
怒罪惡貫盈計日可就殄滅惟雲州要犯屯集機會大  
好必須聚而殲之乃不虛此一舉賊巢負固不服難在  
枕山倚河官兵現踞象山當備槍砲俯擊一面選帶勁  
旅前路進剿復於南橋及濱河要隘逐層圍裹其勢立  
窮聞回寨無柴日須取給寨外此亦足制其死命總之  
渠魁授首餘匪自然膽落須防突出遠颺又成撲空之

勢且四散竄擾分我兵力更難於合龍矣若此士氣方振民夷同仇或暗伏明攻或先聲後實或用奇計離間使彼自相魚肉或設間道要擊使彼自蹈網羅卽賴憂及鎮康灣甸各土司亦須許以重賞令其協力助勦俾彼進退兩難一切熟計深籌惟望就近相度密爲指授徒勇未足恃也臺馬遞信較捷然亦多至八九日引望捷音臨池翹企

李子廉鎮軍 十二月十八日

頃專差持到初五日惠函備悉我兵先攻樂黨卽行進  
勦雲州該回寨恃險負嵎窩留要犯此皆亡命兇狠必  
須全力制之旣防夜間衝突尤慮分夥遠颺凡兵練屯  
集處總須或實或虛參用勁旅無令窺破攻我之瑕而  
象山憑高南橋扼要更須重兵防守切勿爲彼所乘聞  
回寨無柴日須取給於外此可制其死命兵在謀不在  
力在精不在多台旆現駐把邊關兩路均可策應如左  
土弁陳都司皆奮勇敢戰須以機宜授之計出萬全不

可輕於嘗試致損威重又緬甯後路如臘丁一碗水等處皆須留意駐兵毋令匪黨來去自如也

寶箴谷太守

十二月十八日

頃張弁賁回初九日惠翰雲州要犯窩集我兵較易著手惟須近圍遠截使彼無隙可乘旣斷其軍糧復絕其柴火俟其窮蹙思竄以槍砲踞象山擊之或故留一生路暗用精兵伏隘聚而殲旃使不終於負隅又不至於漏網渠魁翦滅餘黨自散他處亦聞風斂跡矣賴戛足



資牽制應再派弁密諭屬其奮勉合力許以重賞鎮康  
灣甸各土司亦然誠得官兵夷民聯爲一氣各要隘防  
堵嚴密計日諒可報捷諸勞籌策企予望之兵練重在  
緝拏要犯不准妄殺商販良回及安分住回此卽造福  
無量來示先得我心矣

蔭興堂提軍黃惺溪觀察

十二月十九日

頃接十二日所發惠函欣悉左土備於初九日帶練力  
戰安營象山我兵實爲得地并閱其來稟如何攻打圍

困籌辦甚合機宜兼擅勇略欣愛之至卽如來示加銜  
尙覺賞不酬勞佇待捷音當以入告若倭陳兩將官均  
能似此得力賊巢不足慮賊渠立可擒矣再誦寄諭該  
土弁各件所以體卹而獎勉之者亦極無微不至深得  
鼓勵之道李鎮克循指示亦必濟以權謀無虞鹵莽該  
匪象山營盤當時曾否擠散所有州署倉監現在作何  
光景時切懸系據漢奸所供賊勢已漸窮蹙事機萬不  
可失總望十三日一戰成功卽如天之福矣寶守日在

左右可資商推而廉訪乃欲調榆已飛札止之人才難得惟深浩歎

普安園廉訪

十二月十九日

蒙化地方緊要現駐重兵防守前函已備言之雲州軍務喫緊寶守在彼正資商摧勢難跋涉數百里面領機宜頃已飛札令其仍留順甯矣沅軍旅未學地形未諳雲順距省較遠惟責成在事文武上緊相機勦辦斷不敢任天而動轉滋貽誤承寄示稿自爲開導而設但須

分別明析若竟云四圍進勦恐致回眾驚疑不可不慎  
重出之也省餉由大理路稍迂折沅已札飭徑解并聞

黃惺溪觀察

十二月二十一日

十五十八十九等日連復要函計均青照比望雲州捷  
音以日爲歲未卜十三日甲子進兵能否執銳披堅擒  
渠埽穴次卽重兵密布逐層圍裹時以遊兵環擾使彼  
火藥內罄柴糧外絕亦可刻日成功左練移營象山如  
定計開仗自須先用火器俯擊焚燒賊房使彼內潰卽

預調猛將精兵管帶維西普威各勇練分攻回寨六門  
使彼不能兼顧至其情勢窮蹙窺穴仍堅或故留一隙  
地而以最得力之兵練設伏要隘突起擒殲視回寨路  
徑偪仄較易得手并可防其設阱陷害埋藥轟焚諸暗  
算從前滑縣負固曾用地雷轟之我兵現在高阜穿鑿  
不易但須防賊出此耳又城中良回不乏或用小白旗  
上書協擊逆匪各保身家八字設法傳入令其自相猜  
疑并禁止鄉民賣給柴草一面勉其上緊團練奮勇殺

屬其小心似攻亦如圍也

地生疎冒險突入兵家所忌千萬

賊又火器火藥鉛子等項必須重兵防守恐其冒險來  
窺夜間尤宜加意又州署州街曾否派兵堵截倭陳兩  
將所帶之兵及李鎮續往督勦現在紮營何處千萬慎  
之又慎總期壁壘精嚴聲勢聯絡重賞必罰以作士氣  
近攻遠截以杜賊蹤乃爲必勝之道省門相距較遠而  
籌慮之懷幾廢寢食遙想在事諸君子更不知如何辛  
劬也

正封函間適接十三日惠書備悉緬甯現無餘匪惟被

難民人亦宜資送遣散庶無他慮務祈就近酌發銀兩  
諄飭妥辦至高翀所解餉銀頃據大理府稟十二日始  
行起程其中後二批由省徑解之項計年內外想可陸  
續收入容再飭司源源接濟總以此舉決勝爲要師克  
在和卽遠如緬甯亦望平心酌示籌辦俾之妥帖貧谷  
精細有識幸無聽其赴榆也

蔭興堂提軍黃惺溪觀察

十二月二十一日

頃又得十三日公函藉悉十一日雲州續戰幸李鎮軍

督兵開砲殲斃賊徒我兵練均叨清吉慰甚十二大雨  
十三稍晴未知雲州天氣何似省城則十四五日均小  
雨雪甚盼彼中晴煖軍士溫如挾纊也刻值逆匪竄集  
必應一鼓殲除始可絕其他擾惟若輩亡命兇狠似宜  
奮迅之際勝以機謀兵練爲數頗多必用遊兵分擾而  
留勁旅衝堅如左土備所云輪攻坐困彼卽猛如虎狼  
未有不疲乏者但須防其突出遠颺耳他如隨處堵截  
以斷接濟隨時激賞以壯聲威想鴻才共濟必早籌之



熟矣

又十二月二十二日

二十一日甫遞復信旋得十四日公函并總局收銀清摺均悉卽飛札前途催令李鑑呂震光所解軍餉二萬兩上緊兼程赴順復飭司速撥一萬兩卽日委員徑解當軍務喫緊之會斷不令撥項稍遲致多掣肘惟約計每日所需夫馬鹽糧似不及來示之半豈別有賞項耶抑如俗云寬打窄用耶此間支絀光景諒在鑒中樽節

鉤稽無煩辭費惟盼我兵及早得手匪黨一律廓清斯則同心所忭幸耳

黃惺溪觀察

十二月二十二日

載展十三日還雲及復查緬甯公牘知初四日密函已達將才難得慨想同深夙聞李子廉尙稱勇敢陳得功甫膺超拔亦當奮勉圖報與左大雄合力爭先及早奏捷提標汪海亦似可期得力他如威遠把總張寬張成泰普洱守備安如嵩把總陳國樑維西土弁王榮聞尙

矯矯卻不甚悉要在鎮將之多方激勵耳我兵安營象山尙距賊寨二里火器一切自須臨時應用尤須逐層布置四面合圍其內驚潰其外窮迫乃可分途截擊堵穴擒渠至彼後山硎口既能寬深如許未必卽無出路且防在我營山腳別伏暗阱乞飭再加確探以備不虞現在賊餓方張亟須全力懲創招撫投誠均非當務之急惟仗運籌決勝共審機宜爲一勞永逸之舉也緬甯已如示飭委張倅往辦但恐其來稍遲能就近先爲酌

撥以資接濟爲要

陰興堂提軍黃惺溪觀察 十二月二十三日

雲州將士志切同仇誠宜順時加賞惟屬蓄養精銳一戰成功尤須加倍嚴防無因年前大意致該匪等乘間潛逃又成猛庭空寨總期相機運策能如裴晉公之入蔡州狄武襄之奪崑崙則大快人心矣其餘乘間追勦及者殲之不及者指名勒拏示以脇從罔治窩留者一併治罪似可事半功倍不至治絲而棼之也至雲州獄

中逸囚亟宜多張告示曉諭明白但肯及早歸來照律分別減等彼知自首便宜或者聞風而至易於了結又營中如需銅砲約重幾許省門儘有存者祈酌示所嫌搬運太喫力耳又劉經歷所陳一節據現在兵練齊集困彼彈丸似可不煩另計

又 十二月二十三日

聞雲州倉穀均被賊匪搬回如果屬實則彼中糧足無須外間接濟卽柴草亦可拆屋代薪殊難使之坐困自

以奮勇攻勦爲宜而攻勦之法必須乘間出奇示以不測或用游兵驚擾而以勁練衝堅使彼力不能堪或向寨門環攻而以大砲俯擊使彼勢不能顧計維西土練猛猛練此時已到合之左練及普威各練爲數已在二千外况大兵數千亦可合力助勢即使有賊千餘拚命敢戰而其黨既分其力亦薄寡不敵衆較易得手或嫌兵練尙少如劉經歷所云是否可用亦當及時商酌幸毋拘坐困之說曠日持久成算茫然俾賊匪以逸待勞

且恐奸詐百出更不堪爲設想彼時卽將在事鎮將據  
實登之白簡一面出省督勦大局已不好看統惟碩畫  
會籌以紓焦慮又彼中火藥斷不能多我兵時以虛聲  
誘之使盡或亦制勝之一道我兵高踞象山非俯逼賊  
寨火器亦無所施須逐層移近堅不可犯始可相機行  
事否則兩不相干矣再彼中情形似宜利用大砲猛烈  
及遠長於攻堅尙爲賊巢所未有但須防彼襲奪爲虎  
添翼耳約計兵練此時六倍於賊卽以十當一亦可決

其必勝豈將士皆木偶耶何以聽其戰守自如也

又十二月二十四日

頃得十八日惠書藉悉雲州十三四日接仗情形我兵  
尙稱得手而左備稟稱緊守各路不容回匪出入一語  
尤爲現在要法該匪旣偷運于藥則寨內所存無多正  
可以此制之其南柵往西一路誠能堵截嚴密賊巢不  
攻自破更須多用游兵時用冷槍散擾賊藥更可立窮  
其堅不出巢固將乘隙而動亦愛惜子藥之意也天雨



宜慎新年尤不可忽總趁風日晴和兵練齊集或分或合四面環攻或近或遠槍砲轟擊其繞寨深礮但能推倒圍牆立即填平牆上砲眼更無所用惟須先用擋牌鼓勇向前耳左練著實可靠外此維西練亦向稱得力猛猛練光景何如李子廉當濟以謀陳得功宜策其進同爲戰將豈甘讓左備爲巨擘耶

黃惺溪觀察

十二月二十四日

本日辰刻得十六日惠書及另錄二件并誦所致雨亭

書備悉戎幕公勤獨當鉅任鎮將同心協力兵練氣亦奮揚負隅小醜但能絕彼火藥外無應援計日當可埽穴惟擒渠最關緊要所遣質回前往若能適如成算妙不可言否則四面攻擊總以重圍斷毋令其逸出鎮康李荃輩方資牽制必以重賞陷之無與賊和醜類雖不可勝誅然使兵練漢夷聯爲一氣大處辦理得手渠魁就擒餘卽勢如破竹且先聲所樹聞者屏息固不必枝枝節節而爲之也順城根本重地自宜如示留防昨得

廉訪書二十日當往蒙化地勢較爲扼要糧餉接濟屢  
飭司道籌備約年內外三萬金尙不乏新正再商徑解  
毋勞蓋廬

蔭興堂提軍 十二月二十四日

二十四日接誦十八日惠書并雲州地圖藉悉種種十  
三四日連次接仗均尙得手深慰懸念惜爲雨阻未能  
及時成功然屢挫賊鋒聲威已壯各將弁果能合力偪  
近攻勦自可迅速蕲事惟祈碩畫精心隨時指授俾其

遵循辦理無致疎懈承示所派翼長均稱得人惟普威帶兵官紀律不嚴濫用夫馬昨已由司咨請查辦如果任意騷擾必須立予嚴參另示指陳一切實能洞見本原慮遠思深誠爲一勞永逸此次已用全力斷無將就了事之理應俟雲州辦結再行相度機宜固不能盡事芟夷亦不可使留餘孽此時該匪等各處糾結全在防堵得宜果皆如左大雄之布置有方無難隨處截殺天意欲殲其類則元惡大憝自必盡入網羅如實在獲犯

訊供指出首要名目藏匿處所卽行開誠徧諭勒令捆  
獻務期悉就肅清聞風知懼庶可不勞而定耳

黃惺溪觀察

十二月二十五日

劉經歷既已到順聞軍事頗曾閱歷亦熟悉雲緬道路  
情形或當令其雇練抑或就現雇之練令其管帶似以前  
往大營隨李鎮軍諸人分起應敵爲得臂助也楊令如  
無可用卽飭回省銷差現當用人之時已往不必深計  
使貪使詐高明自有權衡斷不肯爲疾之已甚也至軍

務貴在慎密武職面稟類多假手營書最爲漏洩務祈  
諄致留神爲要

再提軍密示一節所見非不切至惟自古行兵之道必  
先知已知彼而後百戰百勝以雲州近事覘之不過千  
餘之匪三里之寨我兵練多逾倍徒合力進攻尙且累  
旬未克則兩路辦法談何容易且彼類雖眾豈無良莠  
縱云圖搶亦有富貧何能不區分解散若必激之使彼  
合毆之使我離頭緒絲棼荆棘徧野就令元戎勝算所

向無前而若輩流離失所沿途蹂躪不堪究竟作何收拾實非不才所與知尤非不才所敢任也書云威克厥愛卽在殲厥渠魁八字之下願爲一再誦之爲今日計但得雲州就緒首要殲除餘卽分別勒拏再接再厲各兵練漸成勁旅各鄉練皆切同仇似烏合匪徒尙有廓清之日邊防重大非特當慎於事而尤必慎於言知盡畫精詳用敢附及祈代爲啗致焉

又 十二月二十六日

二十五日密奉一書頃接十九日公函藉悉運籌妙用妥貼精詳如以此舉成功則保全實多我兵亦萬全無患積德足興于門矣設此計不行惟有諄飭鎮將奮勇攻勦多方以窮其軍火分途以疲其筋力我眾彼寡我直彼曲賊巢雖堅斷無不能破者但恐勢蹙狂奔如南橋各路均可拚命逸去僅遺寨內婦穉何忍竟予駢誅則勦撫均無所用又虛此大舉耳區區之見非以煦煦爲仁但能分別良莠庶乎心安理得至求其生而不得



則亦無如之何火炎崐岡玉石俱焚豈敢稍存姑息貽  
害無窮耶雲州劫去之囚旣爲小猛統拏獲卽應給以  
重賞并派顧署收帶兵迎提但須密之又密不可再有  
疎失切屬切屬

查地圖似北面攻打未易得手應於西南以精練衝堅  
而仍於北面以遊兵分擾使彼兩不相顧又我兵須逐  
層逼近爲要

曾安園廉訪

十二月二十八日

頃接二十三日丹城備悉安抵蒙化一切順手各回寨  
節經剴諭近皆知感知懼可見至誠動物未有不從善  
者惟祝雲州兵練刻日成功懲創之餘聲威丕振以次  
悉致敕安卽爲滇中之福承示分防各處自極周妥總  
以地方扼要將士肅清嚴斷接濟解散黨類乃不虛此  
布置耳軍餉火攻均關緊要現經精心籌度尤深佩慰  
沅因徐中丞調補粵東奉

旨仍兼署撫定於新正初二日接篆事繁力薄逾切冰

兢何以教我

蔭興堂提軍 十二月二十八日

頃接二十日惠翰承以此次出征兵丁日支鹽菜銀三分頗不敷用沅亦深爲懸念卽祈就近商酌每名每日加賞一分或新年前半月格外再加少許以資策勵凡行軍制勝全在一鼓作氣斷不可稍形畏怯計雲州兵練齊集爲日已多賊巢雖堅總以分起環攻使彼力不能顧自可乘間襲取務望嚴明督飭及早合力進勦無

至老師糜餉坐費時日千萬盼切至各營應修軍械帳房當如示飭司上緊籌款飭發施守備如可調署亦當卽爲加意寶守留順早已飛札行知矣

再賊所必由之路務須派兵堵截并恐冒險逸出猝不及防須於密箐設伏而當路多掘深坑上掩浮土草皮使其奔突陷入立往殲擒若竟令賊逃出卽將某處帶兵官先以軍法從事乃可不至鬆勁連日甚盼好音似左大雄帶練駐守不如初聞奮勇萬祈多方激勵迅奏

膚功不勝佇望之至

又 十二月二十九日

比翹盼捷音以日爲歲未知前計能否應手如不可行  
亟應嚴飭攻勦賊巢雖堅不過土堡非石城礮樓可比  
果能將士鼓勇四面分起環擊寨匪寡不敵衆其勢必  
窮若坐耗時日必至奸謀愈出奸黨愈繁且以危言分  
勁旅之心又以假言懈我兵之力師老而怠勢緩而疲  
誰能當此重咎已另札嚴催李鎮相機合力先壯聲威

不可小勝而驕尤不可小挫而餒勉益加勉刻速成功  
萬勿束手聽之也前劫之囚旣獲應卽給賞提解機不  
可失切勿遷延承示應修軍械帳房據方伯面商庫款  
攸關止可先其所急或就隨征營件擇要修補應由尊  
處咨明飭辦緬甯必須兼顧望屬惺翁會籌爲要

李文恭公文集卷七目錄

湘陰李星沅石梧著

男

榘

編次

榛

滇南軍書

蔭興堂提軍黃惺溪觀察

蔭興堂提軍黃惺溪觀察

蔭興堂提軍黃惺溪觀察

蔭興堂提軍黃惺溪觀察

普安園廉訪

陰興堂提軍黃惺溪觀察

黃惺溪觀察

普安園廉訪

黃惺溪觀察

李子廉鎮軍

陰興堂提軍黃惺溪觀察

陰興堂提軍黃惺溪觀察



蔭興堂提軍

黃惺溪觀察

蔭興堂提軍

蔭興堂提軍

蔭興堂提軍

蔭興堂提軍黃惺溪觀察丁未正月初二日

二十二三四等日會函連次接仗仍未得手我兵糧有  
損失兼致勇弁受傷該匪等毫無忌憚實屬可惡可恨  
誓當滅此朝食斷難稍事姑容省城盼信較遲極思親  
臨速辦第諸公在事已久責任甚專若仍莫展一籌則  
沅於奏報出省摺內豈能代爲揜飾竊查雲州回寨不  
過一大村落並無高城深池如以大砲分攻何難尅期  
而破前聞猛庭之役張提台以遷延不進坐失機宜今

兵練集有數千較之賊數不啻倍蓰與其日費糧餉何如重賞收功昨已另札嚴催李鎮亦爲遙助聲威之用務祈就近催督如將弁勤惰不一亦應分別勸懲或旌麾親赴軍前策應更爲得力左大雄前踞象山之上何以不能俯擊仍須專由州街進攻州街卽有牆垣亦可用砲轟倒對河相距不遠大砲豈弗能及總由將弁畏葸以致所帶官兵不能逼近之故萬勿聽其欺飾以爲寇兵甚利豈綠營火器全不如賊然則平日訓練果何

事耶雲州劫去二犯既經小猛統地方拏獲派員往提  
自應防其疎脫如果中路阻截即可飭護解之人梟其  
首級解驗真偽省卻無數氣力卽將來獲犯亦可由順  
郡審供定讞就近了結以免轉解疎失至所獲漢奸等  
犯審實卽可正法隨到隨辦更不必留俟結案以作添  
湊人數也劉經歷曾否赴營雇練能否有用總祈及時  
酌辦此事攸關全局誠如來示惟有重賞兵練使之惡  
攻直搗固不暇惜費亦不能慮及傷仁致貽後患統祈

一力主持勿以游移緩士氣耳猛郎防兵太多少息卽宜撤回彼無燭火夜閒亦可襲之賊營有堅有瑕須探明專攻其瑕而仍以游兵擾其堅也

又

正月初四日

官兵駐營日久現又增有新練亟宜熟籌進攻一鼓作氣萬不可稍形退蕙坐耗軍儲且兵不銳則匪益張必將奸詐百出卽如猛郎之擾明係分我兵力而我兵卽爲多分且令左練分往適中賊之詭計皆不可解總之

欲靖匪黨必破雲州欲破雲州必用勁練欲用勁練必  
派各路重兵保護火炮四面轟擊賊巢雖堅何愁不爲  
灰燼但須鎮將督率備弁奮勇向前若遙遙相望卽羣  
放槍砲不過自耗火藥於賊何干竟不知作何了局矣  
焦灼之至當有同心

又

正月初五日

頃接二十七日會函知雲州劫去二犯已據寨回捆獻  
卽日解省審辦此固逆匪畏罪之機惟商同謀劫重囚

及緬甯逃匪復於雲州抗拒罪不容誅若非殲擒首要  
仍將分途竄擾各路響應爲患無窮且旣大舉進剿倘  
辦理毫無把握竟成虎頭蛇尾何以仰慰

宸廑卽入告亦難著筆總祈熟籌通計無稍苟且目前  
了而不了彼中情形原難遙制如果賊勢日蹙趁此脇  
以全力當可續得渠魁竊疑猛郎曲碕匪徒卽由雲州  
逸出意在分我兵練尤宜加意防範我威可畏庶乎我  
德可懷得失之機間不容髮會心人自無煩詞費也又

賴金詳供詞多爲大言與前犯所供迥異幸勿爲所搖惑密之

又正月初八日

頃接客臘二十九日公函至賊回二十四日解歸劫囚卽將匪黨火藥一併進寨等語不禁恨深憤懣試問李鎮先日旣經訊有供詞何難豫爲設伏安砲安兵要擊截殺大可乘機成事乃竟聽其闖入李鎮已成木偶若帶兵防堵之員必應軍法從事卽爲此時用人計亦當



暫行分別摘頂捆打斷非記過所能了惟犯供二十四  
日被獲而來示則云二十三日午刻語涉兩歧祈再飭  
訊明飛示竝切竝切至雲州回寨光景當定計進攻之  
時諒已逐層慮及不待累月而知如果紀律嚴明防範  
加密四路絕彼外援縱深溝高壘賊勢止成坐困亦可  
無煩兵力事機之失出乎情理之外誠非不才所敢知  
也承示二十七日給發回寨諭稿并李鎮二十九日函  
准獻囚自是迎機而導辦理已有成算該回寨能將兩

案要犯速行捆出誠如來示猶屬震於兵威但須通盤  
籌畫慎重周詳幸勿旋結旋翻頓滋竄擾且此時萬分  
喫緊兵練戰守不可一刻鬆勁若再如二十四日之失  
聽賊所爲真無遠慮而有近憂矣兵機不能遙制惟在  
審勢主持節經具摺奏明責成軍門專辦固不甘於分  
過亦不妄爲分功眾志本同事權早一願鴻才熟計之  
也懸賞所以示信旣據解交二犯切勿出納稍稽能再  
捆獻馬國海等數名卽加倍厚賞亦所弗惜小人好利

豈護黨必不可動耶又犯供有實有虛均祈悉心詳察

普安園廉訪

正月初九日

承示漢回積弊及雲州現在情形洞中竅要而勿長漢  
驕勿啓回忌數語尤爲切實可行地方官果知凜遵開  
誠勸諭持平辦理兵練均可不用特無如顛預隔膜何  
也沅雖未厯戎行而昕宵籌慮親於臨陣所論均早致  
之當復再爲函達并祈就近密速切商該回寨能將兩  
案要犯悉數捆獻自是悔禍之機否則彼雖天險亦惟

設計進攻無他道也馬易二囚如能飭留審決可省展轉護解若已經過蒙化則可無庸折回矣

蔭興堂提軍黃惺溪觀察

正月初九日

頃得初二日所發公函藉悉二十九日雲州回寨復獻奸犯三名此必該掌教等奉到示諭咸知悔禍故爾親至大營可見彼中不少良回也如將兩案要犯陸續捆出尙可寬其一綫惟獻犯則守不獻則攻二語實爲扼要總須申嚴軍律攻守自如萬勿一刻鬆勁爲彼所紿

非獨前功盡棄亦且後患叢生大可懼也猛郎利在速  
了猛庭燒殺是否剗起漢民不得一毫偏袒天下惟公  
道足以服人不平則鳴往事可鑒馬子鳴易幘亮二犯  
已札臬司截留審決此後獲犯益多轉解費事卽祈確  
切審定其情罪較重者應由軍門請

令正法以昭炯戒而免疎虞惟張富一犯疊奉

廷諭飭查此次是否身死必須確而又確斷不可稍涉  
含混共罹重譴承詢藉口藉手四字此臘月初六日致

軍門信中語豈未之留意耶茲再錄出寄覽又十八日  
一函到否緬甯解項乃至如此之多務祈諄飭擄節毋  
視爲不竭倉也

黃惺溪觀察

正月十一日

初八居限續交賊匪若干該掌教尙屬良回似不致有

總不得有歧視

他變惟馬惻海等犯未必卽能捆獻仍應密速懸定重

賞使其夥黨貪利設計擒出以除後患張富是否身死

曾否訊明日期該犯受傷究在樂黨抑在雲州屍首現

李文恭公文集

卷七

滇南軍書

七

在何處如尙非抗拒致斃應傳家屬訊取確供提驗屍身詳報否則其身雖死於法亦應戮屍事關

諭查要件必須萬分靠實始可據情奏結若在疑似之閒則一波未平一波復起豈止四明難爲計耶又州署旣未燒燬大局一定卽應飭署牧迅卽往駐仍酌兵練留防所有開放監犯曾否全數招回內有絞犯四名尤爲緊要倉穀如果未動尙易收拾昨奏雲州回寨匿犯拒捕官兵圍攻情形已將賊犯縱火焚燒州街并開放

獄囚搶掠倉穀據實入告此時若能就緒佇盼好音當  
由驛報慰

聖廬也至大營目下萬分喫緊尤不可略爲鬆勁倘軍  
心稍懈賊燄漸張大局更不可問外愈緊則內愈蹙可  
期迅速成事耳

普安園廉訪

正月十二日

查馬子鳴等二名係例應卽行正法之犯已於公牘飛  
布祈將被劫緣由審明卽在蒙化慎密處決毋再稽延



其續經捆送之馬世寶等亦應先行研鞫果係此案首要卽行錄供通報一面按律定擬照律決罪請奏總之旣爲賊黨卽屬法無可寬斷不可稍從曲宥亦無格外枝節尙須反覆推敲旣有張楊二令儘可隨同提勘試用通判孫昺現在省垣亦當飭令赴蒙但稍需時日無庸坐候耳此後順雲獲犯旣多未便紛紛遞解致有疎虞如有重罪人犯已函屬署道會同寶守就近詳加推鞫倘無冤抑卽由軍門請

令正法以示炯戒至南澗等處時有警報無非不法匪徒造言惶惑亟須設法禁止剴切示諭或遴委幹員分投彈壓開導並飭各屬實力查拏究辦以定人心

黃惺溪觀察

正月十二日

頃接初五日惠翰知雲州初二續獻賊匪三名并器械各件其爲是否要犯應俟審明定罪旣經該寨掘出似難遽爾發還至漢奸吳開先等均供被賊雇倩且經打仗運藥卽屬法無可寬何能貸以迫脇轉至匪徒漏網

虛此大舉又馬子鳴易輟亮二犯來文已稱捆獻軍前而另單又注雲州文武督同拏獲未免語涉兩歧要知雲州禍根起於奪犯茲據該寨捆出自是畏罪明徵再得續獻多名審定正法其餘脇從果能由此斂戢尚可寬其一綫並非准令投誠又如張白之橫生枝節也至緬甯滋事要犯是否均在雲州仍望確查嚴究相機了妥事關大兵進止辦理必操成算切不可處以游移徒稽時日如彼中實多狙詐我力儘足翦除卽當定計進

攻不爲笨伯徒勇其如何運用疊次縷悉面商統希悉心採擇因時因地適得其宜或不無小補也承示支放清摺日費若干而成效茫然惟有浩歎五中焦慮筆不能宣

再馬欄海等數犯迄未捆獻誠恐潛伏他竄應密飭各土司并傳知各回寨一體上緊偵緝有能設計捆送到官者驗明後立賞銀若干兩當堂傳領面給決不延緩短發回夷性皆嗜利或可歆動合拏如雲州劫囚被獲

是其明驗且使該犯等自有戒心不敢任其所往縱未  
卽時弋獲亦可稍杜勾連似爲此時要着再雲州若能  
确定餘匪作何散法必須預籌妥貼沿路相安旣不致  
匪黨倚眾橫行又不致鄉練藉端滋事或責成該寨掌  
教就保以後無事并卽諄切開導以數人爲一起各回  
各寨守分歸農或再諭附近鄉練非大夥持械無再截  
殺生衅以期兩無猜忌此卽安擾第一關也

李子廉鎮軍

正月十三日

該回寨負固不服法所必誅現經捆獻重囚呈繳槍械  
尙屬自知悔罪但須兩案要犯悉數獻出始可寬其一  
綫不容隨便搪塞節經函復提軍署道通計速籌卽祈  
就近密商相機妥辦至大營兵練砲位尤須加意督飭  
逐層布置嚴而又嚴無致再有二十四日之失軍機所  
繫責任最專糜餉勞師咎將誰執會心人想不煩多屬  
也

蔭興堂提軍黃惺溪觀察

正月十五日

頃得初八日公函藉悉馬欄相等三犯業經解郡扣留

防守

仍令馬映圖等歸寨設法獻匪此舉既判良莠又得上  
緊鞭辟之法如能從此得手速致要囚誠如來示係屬  
上著設又有變局惟當激勵將士奮迅攻勦左大雄近  
於三柯樹新紮一營既可俯擊賊巢則火器實爲切要  
茲李鎮來信有營中缺少大砲是以未能攻破等語記  
臘月二十三日曾以如需省門銅砲卽速酌示照解日  
久未荷見復且又有現造木砲之信李鎮何復閃灼其

辭軍情如火豈可視爲不急之務耶至猛郎分我兵力  
應由順城暫爲撥補赴營以備不虞猛庭數處能持平  
就案了結無需兵練前往乃爲計之得耳

再日來如須開仗賊營旣在象山據漢奸供詞不過賊  
匪百餘輪替把守非回寨堅壁可比左練兩營相距不  
遠何不卽用大砲就近乘間轟擊使其寨外山上空所  
依據再用火器俯攻似更易於得手統惟相機酌之又  
左右兩營前後必須重兵防護策應斷不可令成孤注



爲賊所乘彼如藉口獻囚故作延宕必有外多勾結內  
造軍火之計尤當加意千萬

又 正月十九日

頃接十二日會函知雲州又有變局其緩兵搬匪本在  
意中所恨各營環立屢經嚴飭堵截而奸細出入自如  
紀律可想宜提訊現犯究明何路往來卽將何路帶兵  
將備嚴參重責藉以示懲十一日之戰實斃賊匪若干  
兵練休養旬餘復得提軍親往相機布置或可重整軍

威刻期奏捷若賊匪牆內拒擊已成故智豈竟無以避之至破寨必須大砲前聞營中不乏又李鎮方造木砲何以不甚得用已如示飭委存參將兼程前來約二月初五六月必可到順據云砲身以青鋼木爲上槐木次之又火箭桿及生熟各鐵硝磺各種務祈先期飭備俟渠到日立辦卽大鐵砲先做泥坯未免曠日持久然及今爲之猶可有備無患但須趕做大木砲一面兼鑄大鐵砲似賊氛方熾未可遽望止戈如該寨脇於兵威卽

速捆兇繳械仍可網開一面否則勢成騎虎非埽穴不能了局也馬轡相等三犯扣留郡城千萬隨時加意前閱新年賞單順城留兵千二百餘名今乃止數百名耶雲州勦辦日久迄無成功止好就捆獻各情先行奏報附寄摺稿一分卽祈祕閱勿宣

蔭興堂提軍

正月二十一日

頃奉十三日自大營惠書備悉賊巢堅隘及我兵奮勇情形如須一鼓盪平自非大砲不可已如示派委存參

將本日起程限初五日到順令其面領指示妥造一切  
至賊首馬欄海罪惡貫盈茲賴施節親臨罪人斯得立  
卽正法處死洵屬大快人心惟餘犯人數尙多該寨回  
能再遵限捆繳卽由卓裁辦理兵機不能遙制總以殲  
厥渠魁解散黨援爲上著也李子廉現奉部議降一級  
調用如能迅速蒞事沅必據實入告籲懇

恩施斷不肯令其小屈猛郎一局速了爲妙餘悉飛飭  
持平鎮靜曉諭無至多添頭緒以期人心大安耳

黃惺溪觀察

正月二十一日

頃接十四日會函快悉賊首馬惲海已據該回寨捆獻  
軍前審明正法洵屬大快人心惟所解斷腕必須封貯  
備驗其張安舟等犯亦應妥解到府親提確訊并此後  
續繳各犯分別定罪請奏斷不可稍有輕縱首要既得  
國憲明申更不必再提投誠又生枝節殷鑒不在遠也  
此舉如足示懲迪西汜可小息籌策之功甚偉且暴去  
良安保全尤爲造福矣猛郎回匪果能獻犯繳械亦可

法立知恩此外小有差池總祈諄飭地方官持平了安  
毋以將就貽後患亦毋以慘殺結深仇也李子廉竟奉  
部議降一級調用其督勦出力兩摺均已縷陳但能妥  
速歲事必爲懇

恩開復斷不肯聽其左遷已檄委仍署鎮篆交卸尙無  
定期存參將本日起程赴順趕造軍械亦祈就近查察  
總以靜密毋擾爲要

蔭興堂提軍

正月二十四日

頃接十七日由大營惠書知連日督催進剿或分股驚擾或四面環攻使其難備乘其易疲實爲相機妙算又得騰越大砲到營如果兵練奮勇日強一日賊巢雖堅斷無不破之理惟仗申明紀律懸立重賞不可一刻鬆勁以致再衰三竭賊匪仍得以逸待勞耳各路防堵更須密之又密使彼聲息不通縱令無求於外而寨內亦必坐困至獻匪一節原係法外之仁有獻則守無獻則攻二語最爲扼要萬勿徒託空言禱切竝切馬惻海已

經凌遲是否實係正身亦當再三確訪想精明果決必  
不爲賊所蒙也猛郎勦匪愛參將力能任之總以奮迅  
爲上著耳

又

正月二十四日

日來詳閱雲州地圖及各營圖並函示回寨情形懸擬  
數條以備採用

一回寨居象山之鼻其上爲老君山我兵能否由山後  
小路抄出或本無山路專派善走夷練如維西練之類



攀援而上直踞象山之頂以火器轟擊太平寺賊營再  
向賊巢俯攻又或由水磨等處間道逼近回寨出其不  
意直撲南頭柵門似易得手

一回寨北爲州街賊匪藉以保障我兵屢次從此進攻  
旣距回寨太遠火器難施又有州街牆壁爲賊砲眼我  
明彼暗易於被轟止宜游兵分起從此開槍牽擾另派  
得力兵練從東西南三面乘間奪柵此避難就易之法  
一象山南北旣距大河有二丈餘之高坎正可俯擊賊

巢宜多備竹梯及軟梯緣至坎上前列攔牌一層下伏勁練若干各執刀矛以身蹲踞賊必由牆眼放砲抵禦俟其槍子過去一擁直前賊槍再放不及且已撲近賊巢柵門可立破矣

一南河正對賊柵河水甚小並無阻隔宜以游兵先攻其東西北三面再行多派兵練護住大砲防彼突出搶奪卽於對岸安準直衝其巢雖未能轟倒圍牆而砲子飛入屋瓦奔裂未有不內潰者再用火箭火毬如風雨

之驟至賊欲安居寨內以逸待勞其可得乎

一賊營與左練營相距較近雖有木石濠溝逐層防護  
究非該寨夾牆砲眼可比如以三面環攻分彼兵力竭  
彼藥力而以兵練合力專搶賊營又各路犄角策應使  
彼四面受敵我兵佔踞象山賊無地險可恃其勢亦窮  
一賊匪伏巢不出出亦無多寨內人數可想我兵但用  
攔牌奮勇直前止許進不許退將各柵門分起圍裏施  
放擡砲火箭彼將不能兼顧且兵練逼近焚殺賊有槍

砲亦無所施又以千金重賞招募勁旅拚命踰牆直入  
彼必望風驚走立刻瓦解矣

官兵如破賊巢賊必四散竄擾宜先分途埋伏截殺兇  
擒無任逃匿惟寨內老幼婦女千萬不可傷殘必多方  
曉諭約束以期兵練遵守卽男丁不敢拒捕者亦應分  
別省釋如馬映星馬映圖馬聯霄等皆有一綫可原祈  
保全之

又 正月二十四日

雲州回務尙未就竣在盡畫精詳固已無微不至但兵貴神速旣經曠日持久勢難操縱自如現在寨內容畱能否籌辦應手如果無匪可獻卽應有兵可撤斷無彼此坐候之理沅寸心焦急言不能名想閣下亦同之也至論功行賞自有常經惟盼軍事早完一切惟命是聽尙非此時先務毋須汲汲再聞馬效青一犯已經猛浪拏獲該犯迭奉

嚴諭飭查明確現因復擾被擒應卽遴派將官專解並

沿途各營撥護至省聽候親提訊供再行正法倘此信  
到日順甯已經辦結亦應迅速函首並馬幘海左手解  
省候驗以昭慎重